

二十倍增是謂八寒地獄壽量此諸壽量有

中天耶頌曰

諸處有中天 除此俱盧洲

論曰諸處壽量皆有中天唯此俱盧定壽千歲此約處說非別有情有別有情不中天故謂住觀史多天一生所繫菩薩及最後有佛

記佛使隨信法行菩薩輪王母懷彼二胎時此等如應皆無中天

十四

說一切有部俱舍論卷第十一 志一

獎反慈朗凝結上陵反魚徑反古定踰繕上羊朱反奮反

方問澍注音第市反搏擊上音膜音馱唐賀反竭反

地上調頰反丘溼上於擊反尼頰反上普何

名反亦亦濤音鑽反子鹹反音醜反音陋反侯畧反方

力反舍拈邏利盟上縱廣兢反漫反伽反矩反拉

上俱舍拈邏利盟上縱廣兢反漫反伽反矩反拉

多上磨擣煨煨鋒刃斫刺銛利

亦下磨擣煨煨鋒刃斫刺銛利

上息駮反必齒製上助加反刺林七賜鏡刺
上助合反探啄上土舍反刀槍下羊反七禦捍上
下七亦反探啄下音卓反刀槍下羊反七禦捍上
音下漸反焰燄魔上以反嘶吒上轉反陟臞許角平
坦下汗反踐躡上音賤反蔽反祭挺反辛頂擁遏
下於汕音捷反欸尔上許肘反知柳巨勝下
聲二字正頰反刺反連嗚烏骨
作莖勝正頰反刺反連嗚烏骨

阿毗達磨俱舍論卷第十二 志二

尊者世親造 三藏法師玄奘奉 詔譯

分別世品第三之五

如是已約踰繕那等辯器世間身量差別約年等辯壽量有殊二量不同未說應說此二建立無不依名前二及名未詳極少今應先

辯三極少量頌曰

極微字刹那 色名時極少

論曰分析諸色至一極微故一極微為色極少如是分析諸名及時至一字刹那為名時極少一字名者如說瞿名何等名為一刹那量眾緣和合法得自體頃或有動法行度一

極微對法諸師說如壯士一疾彈指頃六十
 五刹那如是名為一刹那量已知三極少前
 二量云何今且辯前踰繕那等頌曰
 極微微金水 兔羊牛隙塵 蟻蚤麥指節
 後後增七倍 二十四指肘 四肘為弓量
 五百俱盧舍 此八踰繕那

論曰極微為初指節為後應知後後皆七倍
 增謂七極微為一微量積微至七為一金塵
 積七金塵為水塵量水塵積至七為一兔毛
 塵積七兔毛塵為一羊毛塵量積羊毛塵七
 為一牛毛塵積七牛毛塵為隙一遊塵量隙
 塵七為蟻七蟻為一蟲七蟲為麤麥七麥為

指節三節為一指世所極成是故於頌中不
 別分別二十四指橫布為肘豎積四肘為弓
 謂尋豎積五百弓為一俱盧舍一俱盧舍許
 是從村至阿練若中間道量說八俱盧舍為
 一踰繕那如是已說踰繕那等今當辯後年
 等量別頌曰

百二十刹那 為但刹那量 臘縛此六十
 此三十須臾 此三十晝夜 三十晝夜月
 十二月為年 於中半減夜
 論曰刹那百二十為一但刹那六十但刹那
 為一臘縛三十臘縛為一牟呼栗多三十牟
 呼栗多為一晝夜此晝夜有時增有時減有

時等三十晝夜為一月揔十二月為一年於
 一年中分為三際謂寒熱雨各有四月十二
 月中六月減夜以一年內夜揔減六云何如
 是故有頌言
 寒熱雨際中 一月半已度 於所餘半月
 智者知夜減

如是已辯刹那至年劫量不同今次當辯頌曰
 應知有四劫 謂壞成中大 壞從獄不生
 至外器都盡 成劫從風起 至地獄初生
 中劫從無量 減至壽唯十 次增減十八
 後增至八万 如是成已住 名中二十劫
 成壞壞已空 時皆等住劫 八十中大劫

大劫三無數

論曰言壞劫者謂從地獄有情不復生至外器都盡壞有二種一趣壞二界壞復有二種一有情壞二外器壞謂此世間過於二十中劫住已從此復有等住二十壞劫便至若時地獄有情命終無復新生為壞劫始乃至地

獄無一有情亦時名為地獄已壞諸有地獄定受業者業力引置他方獄中由此准知傍生鬼趣然各先壞本處住者人天雜居者與人天同壞若時人趣此洲一人無師法然得初靜慮從靜慮起唱如是言離生喜樂甚樂甚靜餘人聞已皆入靜慮命終並得生梵世

中乃至此洲有情都盡是名已壞贍部洲人東西二洲例此應說比洲命盡生欲界天由彼無能入定離欲乃至人趣無一有情亦時名為人趣已壞若時天趣四大王天隨一法然得初靜慮乃至並得生梵世中亦時彼天有情都盡是名已壞大王眾天餘五欲天例

志二

三

同此說乃至欲界無一有情名欲界中有情已壞若時梵世隨一有情無師法然得二靜慮從彼定起唱如是言定生喜樂甚樂甚靜餘天聞已皆入彼靜慮命終並得生極光淨天乃至梵世中有情都盡如是名已壞有情世間唯器世間空曠而住餘十方界一切有

情感此三千世界業盡於此漸有七日輪現諸海乾竭眾山洞然洲渚三輪並從焚燎風吹猛焰燒上天宮乃至梵宮無遺灰燼自地火焰燒自地宮非他地災能壞他地由相引起故作是言下火風飄焚燒上地謂欲界火猛焰上昇為緣引生色界火焰餘災亦亦如應當知如是始從地獄漸滅乃至器盡揔名壞劫所言成劫謂從風起乃至地獄始有情生謂此世間災所壞已二十中劫唯有虛空過此長時次應復有等住二十成劫便至一切有情業增上力空中漸有微細風生是器世間將成前相風漸增盛成立如前所說風

輪水金輪等然初成立大梵王宮乃至夜摩
 宮後起風輪等是謂成立外器世間初一有
 情極光淨歿生大梵處為大梵王後諸有情
 亦從彼歿有生梵輔有生梵眾有生他化自
 在天宮漸漸下生乃至人趣俱盧舍衛勝身
 贍部後生餓鬼傍生地獄法亦後壞必最初
 成若初一有情生無間獄二十中成劫應知
 已滿此後復有二十中劫名成已任次第而
 起謂從風起造器世間乃至後時有情漸住
 此洲人壽經無量時至住劫初壽方漸減從
 無量減至極十年即名為初一住中劫此後
 十八皆有增減謂從十年增至八萬復從八
 萬減至十年亦乃名為第二中劫次後十七
 例皆如是於十八後從十歲增極至八萬歲
 名第二十劫一切劫增無過八万一切劫減
 唯極十年十八劫中一增一減時量方等初
 減後增故二十劫時量皆等此揔名為成已
 住劫所餘成壞及壞已空雖無減增二十差

志二

四

別然由時量與住劫同准住各成二十中劫
 成中初劫起器世間後十九中有情漸住壞
 中壞劫減器世間前十九中有情漸捨如是
 所說成住壞空各二十中積成八十揔此八
 十成大劫量劫性是何謂唯五蘊經說三劫
 阿僧企耶精進修行方得成佛於前所說四
 種劫中積何劫成三劫無數累前大劫為十
 百千乃至積成三劫無數既稱無數何復言
 三非無數言顯不可數解脫經說六十數中
 阿僧企耶是其一數云何六十如彼經言有
 一無餘數始為一十一為十十十為百十百
 為千十千為萬十萬為洛又十洛又為度洛
 又十度洛又為俱肱十俱肱為末陀十末陀
 為阿庾多十阿庾多為大阿庾多十大阿庾
 多為那庾多十那庾多為大那庾多十大那
 庾多為鉢羅庾多十鉢羅庾多為大鉢羅庾
 多十大鉢羅庾多為矜羯羅十矜羯羅為大
 矜羯羅十大矜羯羅為頻跋羅十頻跋羅為

大頻跋羅十大頻跋羅為阿芻婆十阿芻婆
為大阿芻婆十大阿芻婆為毗婆訶十毗婆
訶為大毗婆訶十大毗婆訶為盂跢伽十盂
跢伽為大盂跢伽十大盂跢伽為婆喝那十
婆喝那為大婆喝那十大婆喝那為地致婆
十地致婆為大地致婆十大地致婆為醯都

志二

五

十醯都為大醯都十大醯都為羯臘婆十羯
臘婆為大羯臘婆十大羯臘婆為印達羅十
印達羅為大印達羅十大印達羅為三磨鉢
耽十三磨鉢耽為大三磨鉢耽十大三磨鉢
耽為揭底十揭底為大揭底十大揭底為拈
筏羅閻十拈筏羅閻為大拈筏羅閻十大拈

筏羅閻為姥達羅十姥達羅為大姥達羅十
大姥達羅為跋藍十跋藍為大跋藍十大跋
藍為珊若十珊若為大珊若十大珊若為毗
步多十毗步多為大毗步多十大毗步多為
跋羅攬十跋羅攬為大跋羅攬十大跋羅攬
為阿僧企耶於此數中忘失餘八若數大劫

至此數中阿僧企耶名劫無數此劫無數復
積至三經中說為三劫無數非諸算計不能
數知故得說為三劫無數何緣菩薩發願長
時精進修行方期佛果如何不許願長時修
無上菩提甚難可得非多願行無容得成菩
薩要經三劫無數修大福德智慧資糧六波

羅蜜多多百千苦行方證無上正等菩提是
故定應發長時願若餘方便亦得涅槃何用
為菩提又修多苦行為欲利樂一切有情故
求菩提發長時願云何令我具大堪能於苦
瀑流濟諸貪識故捨涅槃道求無上菩提濟
他有情於已何益菩薩濟物遂已悲心故以
濟他即為已益誰信菩薩有如是事有懷潤
已無大慈悲於如有情此事實難信無心
潤已有大慈悲於如有情此事非難信如
有父習無哀愍者雖無益已而樂損他世所
同悉如是菩薩又習慈悲雖無利已而樂他
益如何不信又如有情由數習力於無我行

不了有為執以為我而生愛著由此為因甘
負眾苦智者同悉如是菩薩數習力故捨自
我愛增戀他心由此為因甘負眾苦如何不
信又由種姓異有此志願起以他苦為已苦
用他樂為已樂不以自苦樂為已苦樂事不
見異益他而別有自益依如是義故有頌言

志二

六

下士勤方便 恒求自身樂 中士求滅苦
非樂苦依故 上士恒勤求 自苦他安樂
及他苦求滅 以他為已故
如是已辯劫量差別諸佛獨覺出現世間為
劫增時為劫減位頌曰
減八萬至百 諸佛現世間 獨覺增減時

麟角喻百劫

論曰從此洲人壽八萬歲漸減乃至壽極百
年於此中間諸佛出現何緣增位無佛出耶
有情樂增難教獸故何緣減百無佛出耶五
濁極增難可化故言五濁者一壽濁二劫濁
三煩惱濁四見濁五有情濁劫減將未壽等

鄙下如滓穢故說名為濁由前二濁如其次
第壽命資具極被衰損由次二濁善品衰損
以耽欲樂自苦行故或損在家出家善故由
後一濁衰損自身謂壞自身身量色力念智
勤勇及無病故獨覺出現通劫增減然諸獨
覺有二種殊一者部行二麟角喻部行獨覺

先是聲聞得勝果時轉名獨勝有餘說彼先
是異生曾修聲聞順決擇分令自證道得獨
勝名由本事中說一山處摠有五百苦行外
仙有一猕猴曾與獨覺相近而住見彼威儀
展轉遊行至外仙所現先所見獨覺威儀諸
仙觀之咸生敬慕須臾皆證獨覺菩提若先

志二

七

是聖人不應修苦行麟角喻者謂必獨居二
獨覺中麟角喻者要百大劫修菩提資糧然
後方成麟角喻獨覺言獨覺者謂現身中離
稟至教唯自悟道以能自調不調他故何緣
獨覺言不調他非彼無能演說正法以彼亦
得無礙解故又能憶念過去所聞諸佛所宣

聖教理故又不可說彼無慈悲為攝有情現神通故又不可說無受法機亦時有情亦有能起世間離欲對治道故雖有此理由彼宿習少欣樂勝解無說希望故又知有情難受深法以順流既以難令逆流故又避攝眾故不為他宣說正法怖誼雜故輪王出世為在

何時幾種幾俱何威何相頌曰

輪王八萬上 金銀銅鐵輪 一二三四洲

逆次獨如佛 他迎自往伏 諍陣勝無害

相不正圓明 故與佛非等

論曰從此洲人壽無量歲乃至八萬歲有轉輪王生減八萬時有情富樂壽量損減眾惡

漸盛非大人器故無輪王此王由輪旋轉應導威伏一切名轉輪王施設足中說有四種金銀銅鐵輪應別故如其次第勝上中下逆次能王領一二三四洲謂鐵輪王王一洲界銅輪王二銀輪王三若金輪王王四洲界契經就勝但說金輪故契經言若王生在刹帝

利種紹灑頂位於十五日受齋戒時沐浴首身受勝齋戒升高臺殿臣僚輔翼東方忽有金輪寶現其輪千輻具足轂軛眾相圓淨如巧匠成舒妙光明來應王所此王定是金轉輪王餘轉輪王應知亦亦輪王如佛無二俱生故契經言無處無位非前非後有二如來

應正等覺出現於世有處有位唯一如來如說如來輪王亦亦應審思擇此唯一言為據一三千為約一切界有說餘界定無佛生所以者何勿薄伽梵功能有礙唯一世尊普於十方能教化故若有一處一佛於中無教化能餘亦應亦入世尊告舍利子言設復有人

志二

八

來至汝所問言頗有梵志沙門正於今時與喬答摩氏平等平等得無上覺耶汝得彼問當云何答時舍利子白世尊言我得彼問當如是答今時無有梵志沙門得無上菩提與我世尊等所以然者我從世尊親聞親持無處無位非前非後有二如來應正等覺出現

於世有處有位唯一如來若亦何緣梵王經說我今於此三千大千諸世界中得自在轉彼有密意密意者何謂若世尊不起加行唯能觀此三千大千若時世尊發起加行無邊世界皆佛眼境天耳通等例此應知有餘部師說餘世界亦別有佛出現世間所以者何有多菩薩現俱修習菩提資糧一界一時可無多佛多界多佛何理能遮故無邊界中有無邊佛現若唯一佛設住一劫時尚不遍爲一世界佛事況同人壽能益無邊然諸有情居無邊界時處根性差別無邊佛應遍觀此有情類如是時處應見世尊佛便應機現通說法令其過失未生不生諸有已生能令斷滅令其功德未生得生諸有已生能令圓滿如何一佛此事頓成是故同時定有多佛然彼所引無處無位非前非後有二如來出於世等應共思擇此言爲說一界多界若說多界則轉輪王餘世界中亦應非有以說如佛

志二

九

遮俱生故若許輪王餘界則有如何不許別界佛耶佛出世間具吉祥福多界多佛何過而遮謂多界中諸佛俱現便能饒益無量有情令得增上生及決定勝道若亦何故一世界中無二如來俱時出現以無用故謂一界中一佛足能饒益一切又願力故謂諸如來爲菩薩時先發誓願願我當在無救無依盲闇界中成等正覺利益安樂一切有情爲救爲依爲眼爲導又令敬重故謂一界中唯有一如來便深敬重又令速行故謂令如是知一切智尊甚爲難遇彼所立教應速修行勿般涅槃或往餘處便令我等無救無依故一界中無二佛現如是所說四種輪王威定諸方亦有差別謂金輪者諸小國王各自來迎作如是請我等國土寬廣豐饒安隱富樂多諸人衆唯願天尊親垂教勅我等皆是天尊翼從若銀輪王自往彼土威嚴近至彼方臣伏若銅輪王至彼國已宣威競德彼方推勝

若鐵輪王亦至彼國現威列陣剋勝便止一切輪王皆無傷害令伏得勝已各安其所居勸化令修十善業道故輪王死定得生天經說輪王出現於世便有七寶出現世間其七者何一者輪寶二者象寶三者馬寶四者珠寶五者女寶六者主藏臣寶七者主兵臣寶

象等五寶有情數攝如何他業生他有情非他有情從他業起然由先造互相屬業於中若一稟自業生餘亦俱時乘自業起如是所說諸轉輪王非唯有七寶與餘王別亦有三十二大士相殊若亦輪王與佛何異佛大士相處正圓明王相不然故有差別劫初人衆

為有王無頌曰

劫初如色天 後漸增貪味 由墮貯賊起 為防固守田

論曰劫初時人皆如色界故契經說劫初時人有色意成支體圓滿諸根無缺形色端嚴身帶光明騰空自在飲食喜樂長壽久住有

志二

十

如是類地味漸生其味甘美其香鬱馥時有一人稟性耽味麁香起愛取嘗便食餘人隨學競取食之亦時方名初受段食資段食故身漸堅重光明隱沒黑闇便生日月衆星從茲出現由漸耽味地味便隱從斯復有地皮餅生競耽食之地餅復隱亦時復有林藤出

現競耽食故林藤復隱有非耕種香稻自生衆共取之以充所食此食塵故殘穢在身為欲蠲除便生二道因斯遂有男女根生由二根殊形相亦異宿習力故便相瞻視因此遂生非理作意欲貪鬼魅惑亂身心失意猖狂行非梵行人中欲鬼初發此時亦時諸人隨食早晚隨取香稻無所貯積後時有人稟性懶惰長取香稻貯擬後食餘人隨學漸多停貯由此於稻生我所心各縱貪情多收無厭故隨收處無復再生遂共分田慮防遠盡於已田分生恠護心於他分田有懷侵奪劫盜過起始於此時為欲遮防共聚詳議銓量衆

內一有德人各以所收六分之一在令防護封為田主因斯故立刹帝利名大衆欽承恩流率上故復名大三末多王自後諸王此王為首時人或有情獸居家樂在空閑精修戒行因斯故得婆羅門名後時有王貪恡財物不能均給國土人民故貧匱人多行賊事王

志二

十一

為禁止行輕重罰為殺害業始於此時時有罪人心怖刑罰覆藏其過異想發言虛誑語生此時為首於劫減位有小三災其相云何頌曰

業道增壽減 至十三災現 刀疾飢如次 七日月年止

論曰從諸有情起虛誑語諸惡業道後後轉增故此洲人壽量漸減乃至極十小三災現故諸災患二法為本一耽美食二性懶惰此小三災中劫未起三災者一刀兵二疾疫三飢饉謂中劫未十歲時人為非法貪染汚相續不平等愛映蔽其心邪法繫纏瞋毒增上

相見便起猛利害心如今獵師見野禽獸隨手所執皆成利刃各騁兇狂互相殘害又中劫未十歲時人由具如前諸過失故非人吐毒疾疫流行遇輒命終難可救療又中劫未十歲時人亦具如前諸過失故天龍忿責不降甘雨由是世間又遭飢饉既無支濟多分命終是故說言由飢饉故便有聚集白骨運籌由二種因名有聚集一人聚集謂彼時人由極飢羸聚集而死二種聚集謂彼時人為益後人輟其所食置於小篋擬為種子故飢饉時名有聚集言有白骨亦由二因一彼時人身形枯燥命終未久白骨便現二彼時人飢饉所逼聚集白骨煎汁飲之有運籌言亦二因故一由糧少行籌食之謂一家中從長至幼隨籌至日得少鹿食二謂以籌挑故場蘊得少穀粒多用水煎分共飲之以濟餘命然有至教說治彼方謂若有能一晝一夜持不殺戒於未來生決定不逢刀兵災起若能

以一訶梨怛雞起般淨心奉施僧衆於當來
世決定不逢疾疫災起若有能以一搏之食
起般淨心奉施僧衆於當來世決定不逢飢
饉災起此三災起各經幾時刀兵災起極唯
七日疾疫災起七月七日飢饉七年七月七
日度此便止人壽漸增東西二洲有似災起

志二

十一

謂瞋增盛身力羸劣數加飢渴北洲摠無前
說火災焚燒世界餘災亦尔如應當知何者
為餘今當具辯頌曰

三災火水風 上三定為頂 如次內災等
四無不動故 然彼器非常 情俱生滅故
要七火一水 七水火後風

論曰此大三災逼有情類令捨下地集上天
中初火災興由七日現次水災起由雨霖淫
後風災生由風相擊此三災力壞器世間乃
至極微亦無餘在一類外道執極微常彼謂
尔時餘極微在何緣彼執猶有餘極微勿後
塵事生無種子故豈不前說由諸有情業所

生風能為種子或此即以前災頂風為緣引
生風為種子又化地部契經中言風從他方
飄種來此雖尔不許芽等生時是種等因親
所引起若尔芽等從何而生從自分生如是
自分復從自分展轉乃至最細有分從極微
生於芽等生中種等有何力除能引集芽等

極微種等更無生芽等力何緣定作如是執
耶從異類生定不應理不應何理應無定故
功能定故無不定失如聲熟變等從異類定
生德法有殊實法不尔現見實法唯從同類
生如藤生枝及縷生衣等此非應理非理者
何引不極成為能立故今此所引何不極成

志二

十三

非許藤枝縷衣別故即藤縷合安布不同得
枝衣名如蟻行等云何知爾一縷合中曾不
得衣唯得縷故有誰為障令不得衣若一縷
中無全衣轉則應一縷上有衣分無衣應許
全衣唯集諸分非更別有有分名衣又如何
知衣分異縷若謂衣要待多所依合於唯多

纒合應亦得衣或應畢竟無得衣理中及餘邊不對根故若謂漸次皆可對根則應根身唯得諸分不應說彼得有分衣故即於諸分漸次了別揔起有分覺如旋火輪謂若離纒異色類業衣色等三不可得故若錦衣上色等屬衣則應許實從異類起一一纒色等無種種異故或於一分無異色等邊應不見衣由彼顯衣故或即彼分應見異色等以衣必有異色等相故彼許有分體唯是一而有種種色類業殊審有如斯甚為靈異又於一火光明界中遠近不同燒照有異觸色差別應不得成各別極微雖越根境而共聚集可現根證如彼所宗合能生果或如眼等合能發識又如瞽目視散髮時若多相隣彼則能見一一遠住便無見能極微對根理亦應亦人即於色等立極微名故色等壞時極微亦壞極微實攝色等德收異體不應定俱時滅此二體別理必不然以審觀時非離色等有別

地等故非體別又彼宗中自許地等眼身所取寧異色觸又燒毛氈紅花等時彼覺則無故毛等覺但綠色等差別而起熟變生時形量等故猶如行伍記識瓶盆若不觀形不記識故誰當採錄愚類狂言故對彼宗廣諍應止此三災頂為在何處第二靜慮為火災頂此下為火所焚燒故第三靜慮為水災頂此下為水所浸爛故第四靜慮為風災頂此下為風所飄散故隨何災上名彼災頂何緣下三定遭火水風災初二三定中內災等彼故謂初靜慮尋伺為內災能燒惱心等外火災故第二靜慮喜受為內災與輕安俱潤身如

志三

十四

水故遍身塵重由此皆除故經說苦根第二靜慮滅第三靜慮動息為內災息亦是風等外風災故若入此靜慮有如是內災生此靜慮時遭是外災壞何緣不立地亦為災以器世間即是地故但可火等與地相違不可說言地還違地第四靜慮何為外災彼無外災

離內災故由此佛說彼名不動內外三災所不及故有說彼地有淨居天故彼不遭諸災所壞由彼不可生無色天亦復不應更往餘處若亦彼地器應是常不亦與有情俱生俱滅故謂彼天處無摠地形但如眾星居處各別有情於彼生時死時所住天宮隨起隨滅

是故彼器體亦非常所說三災云何次第要先無間起七火災其次定應一水災起此後無間復七火災度七火災還有一水如是乃至滿七水災復七火災後風災起如是摠有八七火災一七水災一風災起何緣如是由彼有情所修定因於上漸勝故感身壽其量漸長由是所居亦漸久住由此善釋施設足又遍淨天壽六十四劫

說一切有部俱舍論卷第十二 志二
析拮二同先項反項領隙俗丘逆反蟻反上居豈
作風麤上麥反俱練若下洲呂下焚燎下

灰下爐反徐企耶上俱反胝下庾多上矜反於
居陵盟下踏上企耶上俱反胝下庾多上矜反於
媵反莫補珊若若下蘇干反攪反初合瀑流瀑流上麟反
角上鄙反鄙反滓反史王領王領上盛音臣僚
察下音輻輻福音輶反輶反輶反輶反輶反輶反
藤下音燭燭除除反猖狂猖狂猖狂猖狂猖狂猖狂

銓量上貧匱匱下求飢饑饑饑饑饑饑饑饑饑饑
騁下淫淫淫淫淫淫淫淫淫淫淫淫淫淫
圓霖淫淫淫淫淫淫淫淫淫淫淫淫淫淫

阿毗達磨俱舍論卷第十三 志三
尊者世親造 三藏法師玄奘奉詔譯

分別業品第四之一
如前所說有情世間及器世間各多差別如是差別由誰而生頌曰
世別由業生 思及思所作 思即是意業